

Craiov. Stud. Univ. Jagell.
Promotio Philos. Ordinis
1664 VIII. Aprilis



1146

kat.komp.

L. Mag. St. Dr.

P

Krauzowski Blasii Synatus Notionum cotona-
rum nexum ingenium XX primae lau-
reae Candidatus — dedicatus.

Biblioteka Jagiellońska



stdr0001099



VOTIVVS
CORONARVM
NEXVS,

INGENVIS XX PRIMÆ LAVREÆ
CANDIDATIS,

Dum

Per Excellentissimum ac Doctissimum Dominum,
M. JOANNEM MACHATAR
Philosophiæ Doctorem & Professore, Collegam

Minorem,

IN

CELEBER: ACADEMIÆ CRACOVENSIS
PARNASSO

Primâ in Artibus & Philosophia Laureâ ritu solenni

INSIGNIRENTVR,

Amoris & gratulationis ergo

A

BLASIO IGNATIO KRAVZOWSKI
ejusdem Laureæ CANDIDATO,

Festino Cytharæ Applausu


DEDICATVS.

Anno Domini, M. DC. LXIV. Die VIII. Aprilis.

CASIMIRIÆ ad CRACOVIAM,

In Officina Typographica BALTHASARI SMIESZKOWICZ
Typographi.

IN STEMMA
ILLVSTRISSIMÆ ET VETVSTISSIMÆ
DOMVS
PRZYIEMSCIORVM.



Multarum domitrix fertur Dictynna ferarum,

Quam tamen hæc vicit mascula Virgo Deam.

Conficit illa feras iaculis, vrgetq; sarissis

Vrsam, Virgineâ sed domat ista manu.

Robora quanta virûm sint? hoc de stemmate cense

Virgo trucem potuit si domuisse feram.

ANDREAS TRETERVS stud. Poet.

1146 I



ILLVSTRISSIMO DOMINO,
D. P E T R O
A PRZEYMA
P R Z Y E M S K I
CASTELLANO SREMENSI
DOMINO AC PATRONO FAVENTISSIMO,



Oronas Academice Iuuentuti textas, Tuo Illustrissime Domine, non tam capiti fero, quam Dexteræ; neq; enim Senatorium verticem umbratilibus fas duxi innectere Coronis, cui Regalis etiam Diadematis pondus fidenter incumbit. Phæbus licet & Hercules, ceteraq; mentita Deitatis colluies, ambitioso quondam pares coronas quaesierint certamine, infra Tuum tamen ille subsident Genium, quem felicissimus Sarmaticæ Maiestatis Iuncus, Coronato ambit Vimine, & in Regalium consortia adlectum curarum, leuandi Diadematis honore dignatur. Ludere duntaxat Coronis nostris poteris, ante Dexteram Tuam (quam Agoni Olympijsq; nostris Patronam poscimus) depositis; quæ tanto splendidiore cinctu Laureata circumtrent capita, quanto plus ab inclita Magni Dynastæ manu decoris deriuabunt. Vel ipsa Gentilitia stirpis Tuae Virago, disiecto circum crine libera, nescit aliud nec patitur, Capitis Ornamentum, præter id, quod de Munifica Dominantium tractum manu,
Augusto

Augusto hodieq; vertice circumfert. Licuerit alijs Externas hactenus prensasse Coronas, PRZYEMSCIANÆ Propaginis æternus honor est fide erga Dominos coronari & Capita sua alteri quam domesticæ Coronæ non submittere. Quam multorum auidas mentes nuper, Trina illa Septemtrionis rapuerant Diademata? ut vel inde seruales animos disceres, quod tam facile sub alienis, venales prostant Coronis; ceterum Gentilitia Virgo Tua nunquam aduenarum fauoribus obuia, etiam tum intra Natiuæ conscientiam ac decus hæsit Coronæ, & innodem capitis cæsariem, nullo externæ Fasciæ implicuit nexu. Quidni enim Sueticam dedignaretur Arcton vrsarum domitrix, ac illi quoq; quæ pigro vrgetur Boote formidanda? quidni fallacia peregrinæ potestatis fastidiret crepundia, digniore iam olim Regij Diadematis insignita crinili. Satis semper PRZYEMSCIANÆ virginis ad gloriam fuit, quod summus Regni nostri Apex, non modo capiti eius ad ornamentum, sed fideli etiam gremio ad tutamentum, sapius concreditus sit, atq; fessa curarum mole suprema Maiestas in huius sese Virginis constantiam Externorum procorum amoribus prorsus imperuiam, securè inclinarit. Hoc in Magno Tuo Parente, hoc in Teipso Suppari Filio palam vidimus; dum illo quidem summum totius Aulæ Magisterium tenente, Regales fasces, tanti Marschalci innixi: Litua pulchrius efflourere. Te verò ad Sremensem euecto Curulim, SERENISSIMVS JO-ANNES CASIMIRVS, optimè gloria perennitatig; suæ consultum putauit, quod in fide Integritate, Prudentiaq; Tua, eandem deposuit. Regalis itaq; Diadematis assecla, Regali itidem Diademate cinctæ Virginis Tuae, quid ego lectas ex hispidis Camænarum iugis ingeram coronas? & Augustum verticem indigestâ fertorum mole onerem verius quam honorem? Pedibus tantæ Virginis aduoluatur licet tota hæc Coronaria strues, idq; suo magis quam illius Bono, ne ex Umbra Academica in solem prolata ac Lucem, sine protectrice Umbra emarcescat. Hanc umbram dum supplex mihi meisq; laboribus ambio, inculto etiam operi, quodq; hyberno effotum est in frigore, sub Senatoriæ Tropico Protectionis, ver nouum, ac virorem vigoremq; suum accessurum spero; ea enim Gentilitiæ Virginis Tuae dos est ut quidquid calcauerit id Rosa fiat.

Illustrissimæ Dominationis Tuæ

æternum deuotus

BLASIVS IGNATIVS KRAVZOWSKI; Primæ Laureæ Cand.



MAGNÆ
CÆLORVM TERRARVMQVE REGINÆ,
Duodecim Stellis coronatæ,
Magnorum fasciâ meritorum reuinctæ.
Diademate omnis Gratia, & omnis pulchritudinis redimitæ,
MIRACVLOSE DEIPARÆ VIRGINI MARIE,
IN ZDIESZ AD BOREK,
Thronorum & Potestatum
DOMINÆ.

Ante cuius Thronum mittit coronas suas Poëta.



Vid juuat castam redimire frontem?

Parua lapsurûs citò Sêcla donis?

Quis Tuo dignum diadema Virgo

Vertice fixit?

Cuî caput Phæbo radijs corusco

Splendet : insignis facies decoris

Plena ; bisseis facibus micantes

Proijcit ignes.

Cynthiæ cornu pedibus recuræ

Subjacet ; Titan famulatur, altam

Circuit frontem, varijs refulgens

Flamma lapillis.

Virgo millenis speciosa donis,

Arca Cælorum, Genitrixq; MAGNI

Numinis, pulchros cui lambit ipsa

Gloria crines.

Splendor auroræ tenet innocentis

Purpuram vultûs : nitidosq; passim

A

Spargit

Spargit aspectus : decus omne castâ

Fronte redundat.

Quid coronatam Tibi nunc cateruam

Sub jugum mitti faciam, superni

O Poli Princeps ; pedibusq; subdi

Serta benignis.

Cujus ad nutum riget amnis Orci,

Cælites parent, regimenq; MAGNÆ

Præsidis nôrunt, Dominamq; adorant

Millia Diuûm.

Attamen vates agitatus almi

Spiritu Phœbi ; pia vota nostræ

Audeo Musæ TIBI sancta, supplex

Mittere Mater.

Cerne Pimplæum decus , & coronæ

Laureæ munus cape, Magna Princeps,

Atque calcatis pede sertâ, nostris

Frontibus inde.

CLARISSIMIS, ET EXCELLENTISSIMIS DOMINIS,

Clarissimo & Admodum Reuerendo Domino,

M. SIMONI STANISLAO MAKOWSKI,

Collegæ Majori, Artisticæ Facultatis DECANO, Canonico ad

S. Annæ, Concionatori in Eccl: Cath: Crac.

Clarissimo & Doctissimo Domino,

D. MARTINO RADYMINSKI, Collegæ Majori,

Professori Tradnowiano.

Excellentissimo ac Doctissimo Domino,

M. JOANNI BROZENA, Ph. Doct. & Profess: Collegæ Min.

EXAMINATORIBVS Laureæ nostræ dignissimis.

Coronam Gloriæ & Sapientiæ vouet Auctor.

Jam iam Camænae congeminent melos,
Dulciq; plectro iam resonet Chelys;
Apollo Musas cogat omnes,
Conueniant Triuia sorores.

Vos Laureati Thespiadum Chori,
Nostri daturi præmia frontibus,
Adeste Principes, Virisq;
Promeritas numerate Laurus.

Sophûm, MAKOWSKI fax rutilans; viris
Dilecte magnis; Eloquij decus
Sacri; Stagyræ, floridaq;
Grande iubar Charitum Corona.

Est magna docto res Choro Apollinis
Iungi, Stagyræ Castra gubernio
Suo tenere, totq; celsis
Eminuisse Sophûm cateruis.

Hoc præstat ingens cura, laboribus
Immersa duris: atq; scientiæ

Penu refertum, quod Sophorum
Summus apex veneratur in Te.

Quid Te Mineræ sauromatûm iubar
ORADYMINSKI! quidue BROZENATE

Sydu Mathe' eos coruscum
Cecropio memorem corymbo?

Vos auiternis gloria laudibus
Feret decoros; vos Helicon sacer,
Cyrreæq; fontes eruditi,

Plectraq; Pieridum loquentur.
Vos dona magnæ Sauromatum schola,
Augusta doctis munera frontibus,
Gazâ fouetis literatâ;

Promere Pegaseas coronas.

Soli potentes, florigerum Nemus

Plantare; Sacra cingere Delij.

Caput coronâ: quò reuincti

Temporibus recinamus Io!

Ergo Coronas qui modò Olympicas,

Nostro vouetis texere vertici,

Vos summa virtus, vos perenni

Cinget honos, memorandus æuo.

EXCELL: AC DOCTISSIMO DOMINO,
M. JOANNI MACHATAR, Coll: Minori, Phil: Doct.
& Professori, PROMOTORI dignissimo,
Coronam vitæ apprecatur Vates.

O Quo Pierij iustissime Censor honoris
Gloria te celebrabit æuo?

Aut quæ fama tuum pulchro per plurima ductu
Sæcula; Nomen in astra voluet?

Stoæ MACHATAR decus, excellentius omni
Sydere, delictumq; Musæ,

Effusis dùm nostra cohors Te spectat ocellis
Adproperatq; inamœna Phæbi

Templa: sacro velut ecce sonas de culmine Pindi
Incluta munera dans coronas.

Eximium te Phæbus habet; te sancta sororum
Turba, choriq; jubar mitrati

Condignum resonat; qui fultus Apolline dextro
Nos meritis decores coronis.

Quod dùm Palladij præstas in fronte Senatûs,
Ore; Nectareo triumphas;

Mille Tibi plausus, meritæq; Encomia laudis
Ingeminat sacra turba vatium;

Proq;

Proq; Coronarum dono, quæis Tempora nobis
Cingis ouans, Academiæq;
Nos sobolem reddis genuinam, dant Tibi vitæ
Perpetuò viridem coronam,
Immortale decus, longissima quod Tibi Sæcla
Nestoreamq; ferat senectam.

I. V. D. JOANNI LOCHMAN, Cracou:
CORONAM OLYMPICAM.

*Hæc solita fuit conferri in certaminibus Olympicis, in honorem Iouis institu-
tis. Fiebat autem ex ramis arboris Callistephanos, quam Aristoteles vult
esse oleam ab Hercule plantatam,*

Offert Poëta,
LEMMATA. Sudor insignes iter ad coronas
Monstrat. Mant. Poeta.

JNclyti proles generosa Craci
LOCHMAN, Arctoa genuina Musa
Cura, Dictæus cui ferta texit

Iuppiter ipse.

Quid Sophocleis celebrem coturnis
Te decus Phæbi? Cytharæq; vaturn
Dona decantem? cui destinatum

Omine fausto

Iure debetur diadema, mensq;
Artibus pollens, sibi nexa poscit
Serta: sublimisq; animi ferunt ad
Sydera dotes.

Te Patris clari memoranda virtus,
Vrbis augusto residens Senatu,
Extulit, quam Tu meritis, Tuq;

Nomine adauges.

Dignus, auratam cui pondo centum
Pendat ex alta DEVS arce mitram;
Quo pius strinxit Macedo statori

Tempora voto.

Sudor hinc multas Tibi literati
Pulueris doctas numerat Coronas,
Herculis plantæ similes, amicæ

Symbola Pacis.

Quæis coronatus, Sophiæ togatos
Inter Athletas, potiore præsis

Cæteris lauru, superans Olympum
Præpete famâ.

Sic Tibi magnus Pater ipse vota
Deliis spondet, meritiq; grata
Annuat Laurus, Tibi quæ perenni
Frondeat ævo.

II. V. D. BLASIVS JGNATIVS KRAYZOWSKI,
CORONA GYMNICA à Concandidato suo insignitur.

III. V. ac R. D. MATTHIÆ FRANCISCO STAWIARSKI,
Sacri Ord: Præmonstr: Conuentus Hebdouienfis Prof: Can:
CORONAM IOVIS consecrat Vates.

Vt cuiq; Numini sacra erat arbor, ita eius frondis Corona habebatur in honore ait Timmachidas in lib. de Coro. Ioui Esculus sacra erat teste Plin. lib. Nat. hist. 12. cap. 1. quod cum esset glandifera, & eius fructu, aureâ illâ ætate vefcèrentur homines, religionis esse putârunt ex ea illi sacrata coronas struere, qui eos defectu frugum hac arbore sustentauit.

LEMMA. Destinet Æthereus cui sua ferta Pater, Mart. lib. 9.

Q Vando vireta Gratiarum florida,
Dilecte STAWIARSKI pio scandis pede,
Te non

Te non amānis nec rosis, nec lilijs
Cerno reuinci, non fragrantem carpere
Nardumq;, Narcissumq; tinctum purpurā.
Insueta fers, sed magna felix munera,
Nam fronde cingi quid notat quæso Jouis?
An non sacratā fasciā, pium Dei
Cultum, ligato connotare pectore?
Quem castus ordo destinauit Laureis,
Expertus omnis in DEVM mentis piæ,
Et Laureatorum cohors non altero
Te debuit beare laudis munere,
Quam quod Sacrata connotarent præmia,
Tuæ indoli sic debita, & scientiæ.
En quam innocentis pectoris modestiā!
Morumq; præclaris renides dotibus!
Jouis coronā cingier dignissimus;
Quam prisca quondam seculorum antiquitas
Ignara fastûs, prætulit regalibus.
Hac tu coronā cinge frontem candidam;
Cætûs sacratî dulce germen: Candide
Ocellæ Phæbi. Te Camænarum cohors
Jam cuncta suspicit, manusq; dulcibus
Plectris adaptant; ipsa Præses Craciæ
Scholæ Minerua Te reuincit esculeô
Serto: quod æui Symbolon fert aurei,
Mentemq; casto corde quod circumferas
Præsignat auream. Proin iustissimè.
Magnus Deorum Te coronat verticis
Sui decore, ceu futurum sacri
Perenne STAWIARSKI decus quondam ordinis.

IV. V. D. STANISLAO MICHNIEWIC, Crac.

CORONAM SOLIS, deuouet Vates Entheus.

Deducitur ab illo Roberti Scotiae Regis euentu, qui Apuliâ occupatâ reperiit
statuam Coronâ redimitam cum inscrip. Kal : Maij, Oriente Sole aurum ca-
put habeo. Quidam e Thracia primâ die Maii, notatâ umbrâ, quam da-
bat caput statuæ ad ortum Solis, reperit ingentem thesaurum.

Bonfin. dec : 2. lib. 2.

LEMMA. Exorior Phæbo.

JDea non hic marmora cernimus,
Pictis reuinctas non statuas Mitris;

Virtutis hic stat viua imago,
Castalidum redimita Laurus.

Eunte Maio clarius ut Pater

Vultus per orbem criniger explicet ;

Non est quod expectes, ut umbra
Barbarici notet omen auri.

Non unde captes Threijcium penu
Solerte curâ, sapius exigens.

Recludat ut tellus latentes

(Quas prohibet) referare gazas.

Ipso bicornis lumine Cynthia,

Magis coruscat lumen amabile

Virtutis, ambiens fodinas

Interius pretiosiores.

Quos Dux Stagyræ repperit anxius,

Et quas Senatûs cura Academici

Cognouit in Te, examinando

Nobile depositum laboris.

Ergo Coronâ clarus Apollinis,

Auri nitorem sparge per Inchyos

Cract

*Crati Penates, nec sub Umbrâ
Viue dein; sed orire Phæbo.*

V. V.D. CASIMIRO JOANNI BRZYKWINSKI,

CORONAM ILIGNEAM offert Poëta.

*Romanis erat magnum virtutis decus ex Arbore Ilice, de cuius folijs Poëtæ
mella stillare aureis illis Saturni temporibus commenti sunt; ut scribit Ouid.*

Lib. I. Metam. Flauag. de viridi stillabant Ilice mella.

LEMMA. Jlex plena fauis venturæ præscia Laurûs.

Claud. de rap. Profer. lib. 2.

Optima te tetigit fors, Optima.

Jmò & sèrta mereris,

Optima mi JOANNES.

Optimus Aoniæ Cuius domûs,

Sacro munere vinctus

Arboris, auspicata

Hoc Tibi Pallas adest cum præmio,

Suadam mellisui oris,

Mellisfuâ coronans

Jlice: quâ potior sis Romuli

Augustiq; triumphis,

Laudibus & Camilli,

Ista tenent nitidum te munera.

Virtus ista meretur,

Plena fauis Minervæ.

Delicium Charitum, Stœ iubar,

Et suada es Ciceronis,

Condita melle dulci.

Præscit hoc Tua munus Laureæ

Docto fontis ab aluëo,

Nectare plena Phæbi.

B

Sic

Sis igitur docili cum munere
BRZYKWINI viridantis
Incola Magne Pindi.

VI. V. D. CASIMIRO JOANNI HORNASKI,
CORONAM HEDERACEAM Donat.

Hanc fuisse Poetarum insigne placuit Horatio. Tali Coronâ redimitum Alexander Magnus ex Indijs reduxit exercitum, Plin. 16. cap. 34. Est autem nihil præstantius, si cum Lauro teratur, gratum enim ignem excitat, ait Plin; lib. 16. cap. 40.

LEMMA. Te doctarum hederæ præmia frontium
Dīs miscent Superis, Horat. lib. 1. Ode 1.

R Oscida Pierii qui carpis ferta vireti
Aut Heliconæ scandis,
Inq; sacrum Lauri nemus, Aonidumq; Sororum
Adproperas in umbras,
Cur hederam fortire? Hædera est gratissima Iaccho
Primaq; ei corona.
Pieridum vesana lues, Phæbiq; sepulchrum,
Bacchica ferta sunt hæc.
Gloria Pelei iuvenis Laudata per orbem,
Si tibi pectus altum
Excitat; aripotens quam cesserat India, magnis
Iam Macedum triumphis.
Hoc equidem volupe est, sed Te capit arripotentis
Auspicium Minervæ.
Otia Lenæi ventosaq; vela Thraësonis
Te procul esse novi.
Nec benè conueniunt Bacchus, Bellona, Minerva,
Atq; hederæ corona.
At si laurigeri non spernis ferta decoris
Quæis Tua Musa præstat.
Excutiunt tremulas Lauri Parnasside trita
Igne micante flammæ.

Marcida

Marcida cum foliis sustollunt colla caducis,
 Dantq; decus Poëtis.
 O quæ, delictum Phæbi, Te fama loquetur
 Liberiore buxo?
 Num Tua nos fugiunt. HORNASKI dogmata Musæ,
 Quin hederâ notentur?
 Ad Cytharæ numeros pronus, Suadæq; Sophiæ;
 Pulcher honos haberis.
 Quid lauru tritâ crepitantem sistere flammam
 Cogis? ad astra rendat,
 Tendat & illa Tui capitis laurumq; hederamq;
 Irradiet virentem.
 Gloria Teq; ferat Lechico super orbe perennis
 Altius ad coronam.
 Princeps ergo Tui sis opto gloria Phæbi,
 Laurigeriq; cætus.

VII. V.D. MARTINO DRYAKOWIC, Crac:

CORONAM ARIADNÆ dicat Poëta.

*Hæc erat nexa è flore qui vocatur Thesus, de quo Theophrastus: quam
 muneris ergo Ariadnæ à Theseo cui nupserat acceperat: & ab eodem
 inter Phænomena Cælestia cum corona referri meruit. De quo Proper:
 lib. 3. Testis Sydereæ torta corona Deæ.*

LEMMA. Hunc ex Ariadnæo sydere nosse potes.
 Quid. 5. Fast.

Jllatum superis Numine prospero
 AVGVSTVM nitido corpore credidit;
 Cæli posteritas quod pia viderit
 Circumferre faces. Sic Phrygius puer
 Aspectu roseo promeruit polos.
 Sic dici meruit Nobile Gnosias
 Sidus, Tyrfigeri munere Numinis.
 O quot DRYAKOWIC optime Te ambiunt

Virtutum species! quot Tibi nobiles
 Augusto resident pectore Gratia!
 Si quot possideas indole fertili
 Musas; tu referas tot diademata,
 Deberet pietas cedere Dardani,
 Numæ Relligio, Candor Aristidis.
 Pallas docta suum, magnus Apollo quem
 Dicunt; quem Charites delicias suas;
 Nestentes manibus ferta virentia:
 At nunc Coelicolum quod tibi lucida
 Donum tecta ferunt; fume; micantibus
 Cinctam Sideribus, virginei mitram
 Fulgentem capitis, Daphnide Gnosia,
 Quæ latè rutilis fulgurat ignibus.
 Hæc Te jam faciet per Superum sacras
 Præfulgere domus. Gnosiacum velut
 Sidus mille faces projicit aureas.
 Cui Tu perpetuis æmula laudibus,
 Mansuræ referes Nomina gloriæ;
 Musarumq; Chorus, Te redolentibus
 Sertis conspicuum, Craciacis dabit
 Spectandum Cathedris, omine dextero.

VIII. V. D. MARTINO MIELICKI,
 CORONAM OLEAGINEAM offert.

*Arbor hæc Minervæ sacra erat, teste Plinio, lib. 2. Georg. Palladiâ gau-
 dent Sylvâ viuacis Clivæ. Hæc Coronâ Athenienses victores suos
 coronabant. Plin. lib. 15. c. 4.*

LEMMA. ~~Arbor hæc Minervæ sacra erat, teste Plinio, lib. 2. Georg.~~ Honos est
 Vndique decerptam fronti præponere Oliuam.
 Horat. lib. 1. Ode 7.

Ætas arboribus prisca virentibus
 Pinxit continuo Numina singulis.
 Laurum Latoides; Aonio Patri
 Frondes Esculeæ scripserat arboris.
 Cyprum myrtibus habet. Frugibus optimis
 Est secunda Ceres. Sed Deus Arcadum
 Pinum iure suis poscit honoribus.
 At sertum quoties perspicio tuum
MIELICKI, teneræ sentio Palladis
 Curam, bacciferi voluere germinis.
 Sed Te vel teneat Mater Athenea
 Pallas; vel subeas Tu iuga Phocidos;
 Certe! utrumq; Tuæ debeo Laureæ.
 Verè Cecropiæ Tu soboles Deæ.
 Te Pallas genuit. Pallas habet suum.
 Et Tu belligera munia Palladis
 Implēsti; Lechicum diu Tua Principem
 Oris concelebrat Gratia mellei;
 Quod Moschi rigidis arma Trionibus,
 Victricesq; Aquilas, signaq; prospera,
 Volgæ, barbaricis partibus inferat.
 Ergo utroq; potens, sis tuæ amor Deæ
 Signo conspicuus Pallados arboris,
 Ingressurus ouans in penetralia
 Musarum. Hac vireas perpetuo arbore.
 Virtutes oleæ si referas Tuæ;
 Nunquam cum folijs arboris occides.

IX. V. D. THOMÆ NYKOWSKI,
 CORONAM GRAMINEAM; dedicat.

Ex gramine necti suevit; & erat spectatissimum virtutis insigne, omnibusq; omnium de coronis Scriptorum iudicio nobilissima, Rosin. Gen. die: lib.

*2. cap. 10. Hinc statim 6. Theb. Proxima gramineis operosior
area fertis.*

LEMMA. Fortibus ac doctis meritò Orbis porrigit herbam.

Bellipotens famam dissectâ Gorgone Perseus
Restituit templis bellica virgo tuis.
Orbe tulit toto cæsis Tyrynthius Heros
Monstris, æternum dedecus orbe tulit.
Ergò celebratæ retulerunt præmia Sparta,
Dùm petijt superas gloria parta domos.
At nunc cerno operis quæ sunt solatia nostri?
NYKOWSKI munus quod manet acta tua?
Cinxerat innumerum iuuenilia pectora virus.
Vrtica vt viridem feruida cingit humum.
Irrespère animum vitij denso agmine monstra;
Hostis vt immissus mænibus esse solet.
Pallade quid faciat satus alto robore miles?
Non animum passus morte perire suum;
Ipse sed arrepto perstrinxit acinace Lernam
Pestiferamq; tulit Gorgonis arte luem.
Mascula virtuti donauit pectora; moxq;
Innocuas studij iussit adesse Deas;
Doctrinæ vario firmans præcordia cultu.
Effecit mentis Libera tecta suæ.
Non equidem Pænus, non sic Catilina furore
Feruet; vt internè si ferus hostis adest.
Fulmina bellorum Scipiones, quid peto habetis?
Vt victrix vobis gramina Roma ferat?

Hæc.

Hæc potius doctis insignia cedere fas est
Ritè THOMA Tuus hæc; nunc mage poscit honos.
Rumpe moras, frontemq; exporrige, porrigit herbam
Ornatura Tuum Laureæ nostra caput.

X. V. D. ALBERTO MACHCINSKI,
CORONAM QUIRINI porrigit.

*A Romanis in Æde Cereris è spiciis nexa, appensa fuit hæc Corona, ut
Horat: Lib: Epod: testatur: Spiceâ donet Cererem Coronâ. Pri-
mus omnium Romulus cum cæteris fratribus Arualibus ab Acca
Laurentia tali Coronâ donati sunt.*

LEMMA. - - - Trabeam, & diadema Quirini
Et Fasces meruisti. *Juven. Sat. 8.*

Qui Tuis Sacram meritis Coronam
Inspicit prudens oculis, notatq; ;
Iure deberi Tibi Laureatum.
Censet honorem.

Vber hic fructus Charitum fauore
Prodiit; pinguisq; scientiarum
Messis, ad mentem egregium colonum
Lætificauit.

Fertilis docto sua sit Columbo,
Nuper inuenta Hispaniola Ponto;
Sæpe granorum referente spicâ
Millia bina
Quæ Tuae menti docili dedere
Grana doctrinae, Aonides sorores
Docte MACHCINSKI, mage ditat ingès
Copia Musas.

Fundis insignem per amœna sandi

Copiam

*Copiam prata. Ingenio stupendus,
Vt subiisse haud te doleat Minerva*

Arua Polonæ.

*Spiceo primus redimire seruo
Romulus fuenit caput; ista non Tu
Arduo curas animo, sat amplo
Munere plenus.*

*Quodd Tibi tantum decus in Corona
Euenit, quantum placuit Minerva,
Iure tot Musas sapiens, quot insunt
Grana Coronæ.*

*Ergo laudati Trabeam Quirini
Sume nunc Latus, diadema, fasces
Omne victricis decus ipse gentis,
Dignus habere.*

XI. V. D. MATTHIÆ STANISLAO ZYGMVNTOWIC
CORONAM HYACINTHINAM Dedicat.

*Ex Flore Apollini sacrata Hyacintho Stat: lib. 2. Erat Hermoniensibus
in Sacris Chthoniæ Deæ, vsitatus Coronis hic flos teste Pausania. De quo
Rodig. lib. 27...c. 26. unde Apollo Hyacinthum sic affatur.*

LEMMA. Semper eris mecum, memoriq; hærebis in ore.
Apud Ouid: lib. Metam: 10, fab. 5.

TE quoque condigno cinxit cum Lemmate seruo
Phæbus, Pegasei gloria magna chori.
ZYGMVNTOWIC amor, genuinaq; cura Mineræ
Craciæ, & Clarij vera propago **DEI.**
Quæ capis, Actiaci fuerant lectissima Vatis.
Munera: pars Phæbi flos Hyacinthus erat.

Sed

Sed quæ virtutum ? quæ gloria pulchra Tuarum
 Sic dotum ? quam non Flos tener iste notet ?
 Est in odoriferis flos hic gratissimus herbis :
 Est tua Castaliæ Laureæ grata Deæ.
 Est decus Elsijs splendens Hyacinthus in hortis :
 Docta nitent Charitum dum colis arte juga.
 Inscriptos folijs Hyacinthus pandit amores
 Phæbi : qui inscripsit pectora docta tibi.
 Sacra Dijs solitus pulchris ornare coronis :
 Ipse tibi Phæbus, jam sua ferta dedit.
 Semper eris Phæbi, memoriq; hærebis in ore ;
 Fronte corona, Tuo pectore Phæbus erit.

XII. V. D. FRANCISCO ANATHIDI,
 CORONÆ NEMÆÆ.

*Nectabatur ex apio, cui honos erat in Achaia coronare victores sacri cer-
 tamini Nemeæ. Plin. lib. 16. c. 13.*

LEMMA. Gaude Palladiæ Te apium meruisse Coronæ.

Vittatos Nemeæ desine vertices,
 Enarrare pio carmine tibæ,
 Sæcli prisca vetustas.
 Non sic fulget bonoribus,
 Quisquis magnanimis irruit ausibus,
 In fatale necis funus ; & aspera
 Fortis pertulit Heros,
 Magnis prælia nisibus.
 Maior Pierijs parta laboribus
 Merces, emerita nectitur indoli,
 Cum doctâ sibi fronte
 Æternum peperit decus.

Oblitusne Tui Nominis ? Incluta
O docta soboles Pegasidum Deæ ?

Ni Te digner honore,

Sacri prælij **ANATHIDA**

Victor ; cū domita est Hydra periculis

Centum, tot vitiorum. Hinc Tibi proutinus

Acclinata modestis

Assurgunt iuga laureis.

Ergo perge, nouis Tu quoque honoribus

Dum Te sacra manus cingit Apollinis ;

Augustum specioso

Præcingens apic caput.

XIII. V. D. JOANNI GĘZICKI,

CORONA SYMBOLICA.

Bion Boristhenites, cū graui morbo decumberet iussisse perhibetur, præ foribus domūs suæ geminas imponi coronas, alteram ex Rhamno, alteram ex lauro textam, quo factō indicabat, cum qui uellet possidere Laurum Sapientie, per spinas laborum tendere debere & Rhamnum patientia.

Laertius in votis Philos.

LEMMA. Coniunctim retinentur utræq;.

REs arcana latet, lauri sacrata quod inter
Serta, acres spinas misceat vna tibi.
Grata dedit cunctis ; Tu cur ingrata tulisti ?
Æqua fuit cunctis ; sed minus æqua tibi.
Gramina vitamus, quando latet anguis in illis,
Pungit te spinis, dū legis vngue Rosam.
Tuque venenatam vitabis fortē Coronam,
Ne capiti faciat vulnere, spina tuo

Parce

Parce precor ! capitis decus est, hæc, Magne GEZICKI,
 Spina labor tuus est, Laurus honoris opus.
 Peruia non adeò hæc Laurus, facilisque fuisset,
 Ni Tibi sollicito parta labore foret.
 Hæc Diuæ Themidis sacrum penetrare volumen
 Te faciet ; capiti fac sit vt apta Tuo.

XI V. V.D. CHRISTOPHORO FRANCISCO SOWINSKI

CORONAM PALMEAM Dedicat auctor.

Ex Arbore Musis sacrata referente Iust : Lips. Inclyta Palladiæ aspi-
 ras ad præmia palmæ. *Licet autem palmarum coronarum usus fuerit*
varior, non repugnat tamen, ex ea sertum fieri posse : imò in certaminibus
sacris, alias quidem viritim, at palmeas uniuersim dari solitas fuisse
Coronas, dicit Cælius. Rodig. lib. 5. ant. Rom.

LEMMA. Vendicat ipsa viro dulcis facundia palmam.

Sabell. Poëta.

Torquetur vario texendi Musa coronam

Dum mea consilio ; longasq; recurrit ad artes ;

Ingenium, dotesq; Tuas dum Magne SOWINSKI

Fertq; refertq; animus : nondumq; exacta voluntas

• Quid faciat ? contexet quid tantâ indole dignum ?

Ecce mihi tardo dulcis Polhymnia gressu

Ante oculos stetit ; Et roseo ore, en accipe ! dixit :

Hanc capiti mihi dilecto fac pone SOWINSKY.

Suspicio ! viridis palma tulit illa Coronam

Arte laboratam celesti, atq; annuit ipsi.

Quo Dea, quo Tua Te virtus dignata SOWINSKI,

Hoc ego nunc Musis sacratum dignor honore.

Accipe dona Tibi ; dulcis facundia quæis Te

Condorcorat ; palmamq; Tui præferre laboris,

*Sit Tibi pulcher honos ; sit laudatissima merces,
Quæ Tibi perpetuo vireat speciosior ævo.*

XV. . V.D. LAVRENTIO WESOLECKI.

CORONA PÆSTANA

Hanc Musis offerri consueuisse adnotat Calius lib. antiq. lect. 27. cap. 26.

*Hinc Mart : lib. 1. Pæstanis rubeant amula labra
rosis.*

LEMMA. Pæstanæ excedunt laurea ferta Rosæ.
Pamph.

EXpectem varijs quoad
Æstas luxurians floribus, adferat,
Sertis materiam meis ?
Quæ apponam capiti WESOLEVI Tuo,
Magnum insigne Laboribus,
Testemq; ingenuo pectori & indoli.
Virtutum sed amabilis
Hortus nobilium, cum vario Tibi
Morum flore decoro adest.
Hinc iam purpureas colligere in Tua
Fas sit ferta mihi, Rosas;
Quæis fulgens adeas culmina rectius
Parnassi : atq; scientiæ
Fontes bre pio dulcius haurias.

XVI. V.D. REMIGIO ANDREÆ SVSZYCKI,

CORONAM ISTHMIACAM deuouet Poëta.

*Ex ramis Pini, Cybele Deorum Matri sacram : de qua Virg. lib. 9. Pineæ
sylua mihi multos dilecta per annos. Erat autem summi honoris insi-
gne, quas coronas in ludis Isthmicis, ad Neptuni delubrum inter Ægeum &
Ionium*

Ionium mare Theseus emulatione Herculis praefixit Plinio attestante lib:

*16 cap. 20. Hæc Arbor cariem non sentit. Idem. Eiusdem Arboris
corona Pani Deo tribuitur, Alex: ab Alex. lib: 4.*

cap. 17.

LEMMA: Et tu Sisyphio fundasti nomen ab Isthmo:

Syll: lib: 14.

Post arduam certaminum luctam, sibi
Heroa virtus Isthmum poscit decus

Necti, probant vetustiora secula.

Hæc una nempe dos fuit magna Indosi

Suo potiri honore; quem casti rubor

Tinxit cruoris. sæpe prostravit furor

Briareum Darete, ut augustum caput

Micaret ostro. Sæpe victor Hercules

Luctatus, amplius præmiis superbius

Tumet. Tuus num nos latet doctus calor?

Amica Stoe cura, magne nominis

Spei^q sanguis? Diua quem Themis regit.

Dum mellea pro legibus facundiâ

Coram Senatu literato personas;

Arce^q amata iurium vetustaq;

Delubra conuelli, dicata Palladi;

Momenta Regnorum, & bases firmissimas.

Astræ nempe lacte fouit Te pio

Dilecte SVSZYCKI. Proin Dea vocat

Te amor colendæ. Tantra ne virtus tamen

Honore destituta sit; Tuo volo

Illustre fœnus esse honori; Isthmiacæ

Frontis Tiaram: qualis est Magno data

Pani Corona: hanc Entheus vates vouet

Quæ fata nescit; Teg^q Fastis inserat;

XVII.

XVII. V.D. JOANNI DVTKOWSKI,

CORONAM CYNNAMEAM offert,

*Coronæ ex Cynamomo, Interrasili (seu pluribus rimis intersecto (auro
inclusas, primus omnium in templis Capitolij & Pacis dicavit Imperator
Vespasianus, teste Plin: lib. 12. c. 9.*

LEMMA. Inclyta per quasuis redolet sapientia rimas.

Effeta priscl Nomina seculi,
Et peierantis monstra proteruiæ.
Exeste; sueta olim profanâ
Futitium simulacra Djuum
Ornare Iauru. vos diademata
Fertis Deastris, poplite supplici,
Arasq;. Panchæis Coronis
Thureq; vos colitis Sabæo.
Arce profanum Phæbe piaculum,
A sanctioris mentibus ordinis;
Non saxo honos sit; sunt aperto
Pectora candidiora cœlo.
Est æquitatis, perugil atq; amans
Pubes Honesti; Rectius indoles
Præstans meretur destinatum
Ingenio capitiq; cultum.
Hoc eruditum poscit Athenæum.
Hoc festa passim vota Quiritium
Vouent coronari; anxias yt
Gratus odor recreare mentes
Honorq; possit. Mulcet amœnius
Conchyliatâ Cynamomum aureæ
E luce rimæ; quod Deastris
E solio dicat Imperator.

Sed

Sed non profanis auget honoribus
Te Musa Craci, dum Tibi cinnamita
Offert odorata, & fragranti
Pulcher honos redimit Coronâ
Musis amicum pectus, & indolem
Maturiore, quò redolentibus
Spires scientiarum odorem
Docta q; dogmata Cynnamomis.

XVIII. V.D. ADAMO NICOLAO JARONSKI,
CORONA PANACEA offertur.

*Aurelianus Imperator coronas confecit de Panibus, qui Saliginei diceban-
tur: Voposco attestante in eius vita.*

LEMMA. Gloria Musarum est, quòd doctos Pane coronent.

ET Te Pierij fors bona Climatis,
Inter doctiloquos Castalidum choras
Legit, fertilibus dum Tibi adcreis
Frontem Musa reuincit.

IARONI, soboles intima Palladi,
Dignus Panaceo symmate cingier
Dulcis Pegasidum fautor, & unica
Docti pectoris hospita

Virtutis solidus cultor, & artium.
Gaudet Palladium se speciosius
Incingi caput, & tollere nobilem

Gessit frontis apex Mitram
O quam dulce solum diuitis ingeni!
Quam sacunda seges pullulat uberis
E docto genij vertice: quam Tua
Versat lux sapientia !!

Ergo

Ergò conspicuae munera Palladis,
Latus fertilium prendere germinum
Sertum fac citius, quod Tibi nobilis
Sudor parturit ingeni.

XIX. V.D. ANDREÆ AVGVSTINO CZYRZYCKOWIC

CORONA CÆLESTIS offertur.

Vulgò dici solet Halo qui collucens ex Sidere emicat, Arist: tom: 3. pag.
374. Aliter vocatur Circulus albicans circa Solem aut Lunam, Idem L.
Meteor. lib. 3. c. 9. Plinius tamen Coronam vocat, quòd Sidus quod-
libet circulariter redimit.

LEMMA. refers
Radiosa morum Lumina Sanctorum. Mant.

CLara CZYRZYCKI Charitum propago,
Atq; Cyrrhæis amor ipse Musis,
Delphici cætus adolesce nostris
Gloria plectris.

Ista Te pridem decuit corona,
Quæ relucens specie nitoris
Panderet cunctis NITIDA INNOCENTVM
LVMINA MORVM.

Cui decor frontis, niueaq; candor
Mentis interpres, faciles recludit
Oris aspectus, reseratq; cunctis
Pectus eburnum.

Tum probi mores, agilesq; Suadæ
Atticæ motus, grauiorq; iustò
Sermo subtili micat ore, Phæbo
Digna perorans.

Inde virtutum pia turba, claram

Explicet

Explicet Lucem, radiesq; cultis
Moribus, Musæ decus & coronæ
Splendor amænæ.

Ite selectâ sociæ cohorte,
Ite virtutes, cumulate Laurus,
Atq; festiuis resonare plectris
Lætæ Camænæ.

XX. V.D. JOANNI CHRYSOSTOMO WIDYNSKI
CORONA STELLATA dedicatur.

*Quam circa Solem fuisse visam tempore Augusti memorat Paradeianus. Et
Quinct. Poe. facit mentionem, Strinxerat auratos stellata Corona
Capillos.*

LEMMA. Stellis inferere & consilio Jouis.
Hör. Carm. lib. 1. Ode 1.

Quis ille casto Sicelidum choro
Semiscet? amplum stelliferæ decus
Sedis; renidens fax Olympi,
Astriferiq; iubar Trimis?

Agnosco: gentis prodiga gloriæ
Vidynsciamæ sunt diademata;
Clarog; virtutis serena
Lumine subradians corona.

Hæu si tenellum Cynthia Latmium.
Insculpfit astris, debita Calicæ
Matheos scientiæ dans
Munera, stelliferas Coronas,

Si quod polorum Cælipctens Atlas
Calletet artem, sydera brachijs
Narratur altis sustinere,
Ætheriasq; domos tueri.

D

Qui

Quo Te locabo sidere prosperum?
 Aut quo decorum nunc diademate
 Reddam Matheſeōs peritum
 Vranicę caput ſaceratum,
 Ingreſſus arcis Limen Olympiæ,
 Potire felix CONSILIO JOVIS
 Stellis WIDYNSKI, ſedibusq;
 Culminis Empyreī inferende.

V. D. IOANNES LOCHMAN,
 V. D. BLASIO JGNATIO KRAVZOWSKI
 Concandidato ſuo chariſſimo Coronam Gymnicam in cenſum gra-
 titudinis offert.

De hac antiquitūs Poëtæ in agonibus, ingenij viribus certabant
 reſte Ioan: Roſin: antiq: Roman: lib. 5. c. 8. Sic Corymæ Poëtrix cum
 Pindaro dicitur contendiſſe, & victrix Thebis euasiſt. Sic Heſiodus cum
 Homero certauit, quo ſuperato Epigramma cum Tripode in Helicone
 poſuit. Alex, ab Alex. lib. 6. cap. 29.

LEMMA. - - - Sumptam de fronte Coronam
 Emeritis immiſit. Ouid lib. 1. Metam. fab. 8.

PRende KRAVZOWSKI ſtephanoma clarum;
 Dux Camenarum tibi Phæbus ipſe
 Latuſ applaudit, caput ornat amplo
 Agmine ſorum.

Debitam Pallas meritis coronam
 Neſcit, ut victor celebres triumphos
 Hoſtibus fuſis, domitiſq; monſtris
 Marte ſecundo.

In graui virtus ſtadio, labores
 Pertulit ſummos Tua, cum doloſum
 Otium viciſt, viridi Iuuentæ
 Exitiale,

Turpe portentum, ſclerum parentem,

Et nimis eam superauit Hydram,
Quæ bonas mentes Iuuenum cruentat
Nempe Voluptas.

Vicit ignauum pecus, & furentes
Cordis angores, inimica tandem
Sustulit Musis, genijsq; dictis,
Tædia longa.

Ergo KRAVZOWSKI cydarim virentem,
Quam tibi defert Charitum corona,
Et phalanx formosa nouem sororum,
Prende, quid obstat?

Ipsæ Pimplæ dominator aulæ
Phæbus, ad culmen vocat altum honoris,
Et viam monstrat, modò promptus adsit
Pectoris ardor.

Ars opes pulchras tibi comparauit,
Dum Caballino tua labra fronte
Irrigat, dulces ut ab ore fundas
Nectaris undas.

Et parens natura tibi benigna,
Subministravit pretiosa dona,
Ingeni vires, celeresq; motus,
Mentis acumen.

I bone, & quo te Tua summa virtus
Allicit, pulchrâ redimita lauro,
Grande laturus Patriæ iuuamen,
Præmia, quid stas?

Serta largitur pretiosa nobis,
Serta, magnorum decus hæc laborum,

Serta, virtutis, monumenta certa,

Serta, triumpho.

*Nunc coronato tibi reddo vari
Gymnicum sertum, mea, quod Minerva
Elaboravit, precor ut sereno*

Pectore sumas,

*Quidquid affectus meus explicavit,
In bonam partem mea vota sume,
Candidi verax, animique grati
Symbolon hoc est.*

V. THOMAS NYKOWSKI
V.D. BLASIO IGNATIO KRAVZOWSKI

Symbolum boni affectus contestatur.

DVM varias necis variâ de fronde coronas,
Et satagis nostrum condecorare caput.

Hos tibi vernantes flores, & suauè rubentes

Aût Chloris, Florum contulit alma Prens:

Aût hortus dedit Hesperidum nitidissimus auro:

Aût Pæstum, roseo tradidit è gremio:

Aût dedit insignis gemmis viridantibus Hybla,

Aût misit suaues dulcis Hymettus opes:

Aût fors Alcinöi formosa vireta dederunt:

Aût quos, in manibus, pulcher Adonis habet.


Vt verum fatear, flores hos doctus Apollo

Ex Helicone tulit; debita dona tibi

KRAVZOWSKI referet pro tanto digna labore,

Præmia Doctorum laurea ferta virum.

IN STEMMA
ALMÆ VNIVERSITATIS CRACOVIENSIS



Regia Sceptra vides, quæ Regia Fascia cingit,
Regia nam res est, quam duo Sceptra regunt
Regia res pieras, Patriæ, seruire D e oq;
Donec stabit humus, Sceptra vigere dabit,

Adrianus Krobski, Ph. Aud.



SVB FELICISSIMIS AVSPICIIS
MAGNIFICI PERILLVSTRIS.
ET ADMODVM REVERENDI DOMINI

ANDREÆ KVCHARSKI.

SS: THEOL: DOCTORIS ET PROFESSORIS,
ECCLESIAE CATHEDRALIS CRACOVENSIS CANONICI,
Collegiatæ SS: Omnium Præpositi,

ALMÆ ACADEMIÆ CRACOVENSIS
GENERALIS RECTORIS
VIGILANTISSIMI



S.

S.

L.

S.

L.

S.

S.

